

渭南縣志卷之十四

邑令蜀鹽亭岳冠華子賓纂修

詩

昊天觀

唐楊

炯
華陰人

遁甲爰皇里星占太乙宮天門開奕奕佳氣鬱葱
葱碧落三乾外黃圖四海中邑居環若水城闕抵
新豐玉檻崑崙側金樞地軸東上眞朝北斗元始
詠南風漢主祠五帝淮王禮八公道書藏行簡靈
藥灌梧桐草茂瓊堦綠花繁寶樹紅石樓紛似蓋

渭南縣志

卷之十四

藝文

一

地境杳如空桑海年應積桃源路不窮黃軒若有

問三月駐崆峒

上巳日被禊渭濱應制

沈佺期

內黃人

寶馬香車清渭濱紅桃綠柳拂堂春皇情尚憶垂
竿佐天祚先呈捧劍人

前題

張

說
洛陽人

青郊上已豔陽年紫禁皇遊被渭川幸得歡娛承
湛露心同艸樹樂春天

渭川田家

王

維
太原人

斜光照墟落窮巷牛羊歸野老念童僕倚杖候荆
扉雉雒麥苗秀蠶眠桑葉稀田夫荷鋤立相見語
依依卽此羨閒逸悵然歌式微

送人使安西

王維

渭城朝雨浥輕塵客舍青青柳色新勸君更進一
杯酒西出陽關無故人

首春渭西郊行

岑

參

棘陽人

回風度雨渭城西細艸新花踏作泥秦女峯頭雪
未盡胡公坡上日初低愁窺白髮羞微祿悔別青

渭南縣志

卷之十四

藝文

二

山憶舊溪聞道輞川多勝事玉壺春酒正堪携

登縣城樓

許棠

近甸名偏著登樓景又寬半空分太華極目是長
安雪助河流急人耕曉色殘閒來時甚久欲下重
凭欄

憶山陽

渭南

趙

嘏

山陽人

家在枚臯舊宅邊竹軒晴與楚陂連芰荷香遶垂
鞭袖楊柳風橫弄笛船城礙十洲烟島路寺臨千
頃夕陽川可憐時節堪歸去花落猿啼又一年

憶山陽

日另

趙嘏

折柳城邊起暮愁可憐春色獨懷憂傷心正嘆人
間事回首多慚江上鷗鷓鴣聲中寒食酒芙蓉花
外夕陽樓憑高滿眼送清渭去傍故山山下流

題王補闕起別業

渭南尉

蔡希寂

曲阿人

好間只在家退跡何必深不出人境外蕭條江海
心軒車自來往空谷對清陰川深將釣玉鄉亭期
散金素暉射流漱翠色綿森林曾爲詩書癖寧唯
耕稼任吾兄許微尚枉道來相尋朝慶老萊服夕

渭南縣志

卷之十四

藝文

三

閑安道琴文章遙頌羨寤寐增所欽既鬱蒼生望
明時豈陸沉

仲春燕王補闕起城東小池

錢

起

吳興人

王孫興至尋幽好芳草春深景氣和藥院愛隨流
水入山齋喜與白雲過猶嫌巢鶴窺人遠不厭叢
花對客多醉來倚玉無餘事目送歸鴻笑後歌

春日燕王補闕起城東別業

郎士元

中山人

柳陌乍隨洲勢轉花源忽傍竹陰開能令瀑水清
人境直取流鶯送酒杯山下古松當綺席簷前片

雨滴春苔地主同聲復同舍留歡不畏夕陽催

題士元半日村別業

錢起

半日吳村帶晚霞閒門高柳亂飛鴉橫雲嶺外千
重樹流水聲中一兩家愁人昨夜相思苦閨月今
年春意賒自嘆梅生頭似雪却憐潘令縣如花

酬王季友題半日村別業

郎士元

村映寒源日已斜煙生密竹早歸鴉長溪南路當
群岫半景東鄰照數家門通小徑連芳艸馬飲春
泉露淺沙欲待主人林上月還思潘岳縣中花

渭南縣志

卷之十四

藝文

四

宿靈臺寺寄郎士元

錢起

西日橫山含碧空東方吐月滿禪宮朝瞻雙頂青
冥上夜宿諸天色界中石潭倒映蓮花水塔院空
聞松栢聲萬里故人能尚爾知君視聽我心同

贈錢起

郎士元

石林精舍武夷東夜扣禪扉謁遠公月在上方諸
品靜心持半偈萬緣空蒼苔古道行應遍落木寒
泉聽不窮更憶雙峯最高頂此心期與故人同

渭水

權德輿

天水人

呂氏年八十皤然持釣鉤意在靖天下豈唯食營
邱師臣有家法小白乃尊周日暮駐征策愛茲清
渭流

渭上偶釣

白居易 邑人

渭水如鏡色中有鯉與魴偶持一竿竹懸釣至其
傍微風吹釣絲嫋嫋十尺長誰知對魚坐心在無
何鄉昔有白頭人亦釣此渭陽釣人不釣魚七十
得文王况我垂釣意人魚又兼亡無機兩不得但
弄秋水光興盡釣亦罷歸來飲我觴

渭南縣志

卷之十四

藝文

五

下邳庄南桃花

白居易

村南無限桃花發唯我多情獨自來日暮風吹紅
滿地無人解惜爲誰開

新構亭臺示弟姪

白居易

平臺高數尺臺上結茅茨東西䟽二牖南北開兩
扉蘆簾前後捲竹簟當中施清冷白石枕䟽涼黃
葛衣開衿當風坐夏日如秋時嘯傲頗有趣窺臨
不知疲東窻對華山三峯碧參差南簷當渭水卧
見白帆飛仰摘枝 果俯折畦中葵足以克饑渴

何必慕甘肥况有好群從旦夕相追隨

重到渭上舊居

白居易

舊居清渭曲開門當蔡渡十年方一還幾欲迷歸路
追思昔日行感傷故游處插柳作高林種桃成老樹
因驚成人者盡是舊童孺試問舊老人半爲繞村墓
浮生同過客前後遞來去白日如弄珠出沒光不住
人物日改變舉目悲所遇迴念念我身安得不衰暮
宋顏銷不歇白髮生無數唯有山門外三峰色如故

渭南縣志

卷之十四

藝文

六

渭村雨歸

白居易

渭水寒漸落離離蒲稗苗閒傍沙邊立看人刈葦
苔近水風景冷晴明猶寂寥復茲夕陰起野思重
蕭條蕭條獨歸路暮雨濕村橋

孟夏思渭村舊居寄弟

白居易

嘖嘖雀引雛稍稍笋成竹時物感人情憶我故鄉
曲故園渭水上十載事樵牧手種榆柳成陰陰覆
墻屋兔隱豆苗大鳥鳴桑椹熟前年當此時與爾
同遊矚詩書課弟姪農圃資僮僕日暮麥登場天

晴蠶折蔟弄泉南澗坐待月東亭宿興發飲數杯
悶來棊一局一朝忽分散萬里仍羈束井鮒思返
泉籠鶯悔出谷九江地卑濕四月天炎燠苦雨初
如梅瘴雲稍含毒泥秧水畦稻灰種畚田粟已訝
殊歲時仍嗟易風俗間登郡樓望日落江山綠歸
燕拂鄉心平湖繼入目殊方我漂泊舊里君幽獨
何時同一瓢飲水心亦足

東墟晚歇

白居易

涼風冷落蕭索天黃蒿紫菊荒涼田繞塚秋花少

顏色細蟲小蝶飛翻翻中有騰騰獨行者手拄魚
竿不騎馬晚從南澗釣魚叵歇此墟中白楊下褐
衣半故白頭新人逢知我是何人誰言渭浦棲遲
客曾作甘泉侍從臣

渭村退居寄崔侍郎錢舍人 白居易

聖代元和歲閑居渭水陽籠禽放高翥霧豹得深
藏薙艸通三徑開田占一坊晝扉扃白版夜碓掃
黃梁隙地治場圃閑時糞土疆枳籬編刺夾蕘壠
擘科秧穡力嫌身病農心願歲穰引泉來後澗移

竹下前岡犬吠村，胥閭蟬鳴織婦忙。
納租看縣帖，輸粟問軍倉。
夕歇攀村樹，秋行繞野塘。
雲容陰慘淡，月色冷悠揚。
蕎麥鋪花白，棠梨間葉黃。
早寒風槭槭，新霽月蒼蒼。
園菜迎霜死，庭蕪過雨荒。
簷空愁宿燕，壁暗思啼螿。
眼爲看書損，肱因運甓傷。
外身宗老子，齊物學蒙莊。
踈放遺千慮，愚蒙守一方。
珠沉猶是寶，金躍未爲祥。
息亂歸禪定，存神入坐忘。
斷痴求慧劍，濟苦得慈航。
不動爲吾志，無何是我鄉。
可憐身與世，從此兩相忘。

渭南縣志

卷之十四

藝文

八

渭村酬李二十見寄

白居易

百里音書何太遲，暮秋把得暮春詩。
柳條綠曰君相憶，梨葉紅時我始知。
莫嘆學官貧冷落，猶勝村客病支離。
形容意思遙看取，不似華陽觀裏時。

駕幸甘泉宮

盧

象

汶水人

傳聞聖主幸新豐，清蹕鳴鑾出禁中。
細草終朝隨步輦，垂楊幾處繞行宮。
千官扈從驪山北，萬國來朝渭水東。
此日小臣徒獻賦，漢家誰復數楊雄。

登樓懷歸

宋寇

準

邑人

高樓聊引望杳杳一川平遠水無人渡孤舟盡日
橫荒村生斷靄深樹語流鶯舊業遙清渭沉思忽
自驚

再歸秦川

寇準

阮路何方盡西歸興未勞河流經陝狹山色入秦
高迈照明秋壘孤村接暮濤還如丁令至故里滿
蓬蒿

雷州途中

寇準

秋末楚雲端行侵苔蘚斑愁腸不厭酒病眼豈逢

渭南縣志

卷之十四

藝文

九

山遠路有時到宦遊無處閒却思清渭北煙柳掩
柴關

蔡孝子墓

元侯伯正

邑人

渭南常稔原有里名孝子里中有兩墳高低正相
似父老古相傳蔡順及母氏蔡順字君仲事畧見
前史莽末天下饑赤眉處處是橫行掠人食人命
等螻蟻順常採桑實聊以當甘旨黑者以供母赤
者以啗已至孝存乎心家寒聽菽水偶爲賊所得
具詢其所以春風藹山林和氣溢肺腑鳴梟化鸞

鳳荆棘變桃李不但只生還又奉以肉米良心天地心人之固應爾順常出樵蕪半途驀心悸捨薪卽歸家客至母噬指呼吸氣相通親與子同體人誰不知孝頑然自痿痺母死喪未斂東隣忽火起伏床拊屍哭忍死不欲避倏爾熾西家異事驚遠邇勿謂天居高神速乃如此母性恆雷霆未聞輒掩耳每聆虺虺聲繞墓躬步履事死如事生聖賢著乎禮嗟此事死心聖賢同一揆迄今幾何年四海談不已邱隴尚依然神迹豈容圯近爲農所夷

見者恬不異石泉王文信磊落豪傑士生平不讀書所行多中禮曰此蔡孝子吾鄉之盛軌誰家無子孫欲俾恒瞻視吾宗數十年拜掃同考妣非惟愛古人亦以勸頑鄙爾曹墾者誰吾欲以從事田氓耻前非俛首爲封址文信懇謂予吾力勸吾世諸男豚犬然他時不足恃僕將訓琬琰永使耕者忌非文無以傳先生爲僕記或云蔡君仲其鄉非密畤南原有孝陵得名或此始予曰皆不然今將排衆議地望雖異名人事有遷徙安知汝南人不

向關中死未必孝陵名不取君仲義崆峒與綿田
亦復疑一二河東乃山西或云在隴坻武侯八陣
圖川蜀有三四先正廟天下處處嚴祭祀苟在鄉
閭中其民各仰止既云孝子里其來必有自我許
王君信是非烏足計荒墳千載餘義猶不令毀欲
使澆風淳高識顧不羨賦此五言詩用當以碑志

蔡孝子墓

明傅振商人汝陽

汝西濱一舍爰有孝子里董蔡尚名村荒祠未盡
圯仲兮純孝躅往事洽董子拾葺意偏篤何言甘

與旨嘗嘔懼中惡嚙指覺屬裏温清備周至災屯
更敦救噉人賊感義贈甘免刀七火發柩將焚長
號燄自靡遶塚衛雷驚以生而事死先賢傳首列
董永稱雙羨莽篡哲人遠同母胡來此京兆有孝
陵人疑誤相指噫嘻是不然夏蟲見何鄙荒墳豈
實象骨朽徒累累試看麒麟塚下馬幾人是純孝
爲元氣扶輿且克瀾古今薪火同盡人共安止故
聞孝子墳七尺唯恐毀汝上嚴惟桑渭原重刻誄
猶如董永墓齊楚爭遐錫顛何封畛蔡秦共振

起我來揚風教揖塚詮所以仲兮音不沒應粲悟
玄理

謁寇萊公祠

楊一清
汝寧州人

半畝荒基數尺墻宋家贊相表新坊樓臺不用生
前起祠宇能延沒後香未拔一丁真負國縱爲孤
注已尊王後人不建親征策和議終成禍靖康

過王節度碑

南大吉
邑人

幕府遙開瀚海雲金章蟬冕上將軍只今唯有豐
碑在載得當時鼎上勲

渭南縣志

卷之十四

藝文

十一

太寧宮

郭文
邑人

古栢蒼蒼渭水寒層宮壓盡幾重山皇天不有坤
寧載焉得華夷萬世安

前題

南山
邑人

神宮晴抱四山高秋曉登臨爽氣遙獨倚石欄頻
悵望五雲多處是丹青

同友人晚登太寧宮

南大吉

門繞豐原古臺臨渭水斜煙樓搖盞翠風殿舞簷
花玉座生晴霧雕墻映晚霞只愁佳客散明月自

窻紗

渭上

南漢邑人

舟橫上漲津雲鎖長安道不見濟川翁寂寞空綠

艸

渭上

郭欝邑人

寥落踈星千里月參差層閣一聲鐘山童寤擬春

雷發走看南潭起卧龍

渭上

李文進邑人

虛閣晨星落層宮曉漏催霞光依海上鐘響拂天

渭南縣志

卷之十四

藝文

十三

來林麓千鳥起村城萬戶開呼童掃庭內零露滿

蒼苔

秋暮渡渭

南大吉

輕颺清大野斜日照長河立駟收鸞韻登舟發棹

歌津通頽廟遠岸繞古槐多整駕瞻秋熟有時駐

玉珂

渭水春漲

南逢吉邑人

西來鳥鼠發金光東下扶桑接大荒行地三春清

自湧通天萬里逝何妨黃河砥柱中流穩華嶽蓮

峰壓岸長且自觀瀾臨石瀨徐應鳴楫泛樓航

渭上行

南逢吉

渭上東風楊柳春繞堤沙鳥帶青蘋問津莫道無
舟楫虎不渡河愁殺人

綠耳金鞍白玉羈張弓鳴鏑覓黃鸝回身翻却青
瑤決射着河邊行客兒

渡渭

祭酒 王維楨 華州人

日暮煙波潤輕橈趁遠風人憐舟楫外興落水雲
中沙冷喧鷗急天昏鼓棹雄漁磯何處是千古憶

渭南縣志

卷之十四

藝文

十四

飛熊

渭上早發

王維楨

燈火凌霄發行行傍渭濱樹雲蹲虎豹水霧識星
辰舟楫百年志風煙四海身洪濤聽正急未可濯
纓塵

春初渡渭

薛騰蛟 邑人

不負野人約因成渭北遊岸冰初解凍春水正安
流懷古思垂釣臨川羨濟舟秦橋久寂莫何處象
牽牛

清明後一日渭水泛舟

薛騰蛟

春水清明後晴波好放舩鞦韆遊女戲錦帳雜花
妍容與看魚樂流連任俗傳莫將劉昶興妄擬李
膺仙

夏日啓善寺試門人

南大吉

駕玄牡辭葯房野路雜花蕭帶長振繁纓入禪林
密葉晴絲曲院深臨華殿較諸生珊瑚明珠照丹
楹餘霞爛縣景移願言崇志翔天池泛洪波凌朱
垠莫令坎井負青春

渭南縣志

卷之十四

藝文

十五

春日遊啓善寺

南大吉

野逕煙花密紺園露草香尋幽登廣殿訪舊下迴
廊綠獸窺朱拱黃鸝度白楊一僧知我至杖錫出
禪房

秋夕歸自興隆寺

南大吉

長廊下木葉匹馬出禪林風度青絲鞵煙棲白葛
襟薊門上寒月漢苑發清砧病肺歸來早高談違
寸心

秋曉發秦村復諸生講約

南大吉

長飈響森木宵景搖繁星鷄鳴嚴駟駕迅予逝南
征凌晨度清渭汎汎楊松齡憑軾登修坂鏘鸞度
遠坳遵彼林下麓欵此水西扃曲徑交綠竹廣庭
虛以明摳衣趨猶子循墻遲諸生川輝澄講席入
牖洞踈櫺蘭澤多芳艸山木鬱層層采之薦清廟
兼以列丹楹竊誦知新訓慚無長善能安得宣尼
父宮室共爾升仰思遺編在清清耀性靈白日如
西墜紅顏安可停四十苟無聞皓首竟何稱邈矣
先聖學典哉貴始終丹書何肅肅千載垂吉凶願

言同此佩永爲盤上銘

初秋登靈臺塔院

南逢吉

靈臺稱勝地登陟况時清萬疊雲霄濶三川艸木
平凌風空有塔紀歲漫無名儵爾逢僧話瀟瀟暮
雨生

春日邀友同登太寧宮

南軒邑人

太寧宮殿倚雲開古柏龍鱗拂上台天擁豐原標
勝槩日暉清渭竦蓬萊平臨霄漢青鸞渺遙望關
門紫氣來坐久時聞籟響目尋物外醉春臺

姜泉書舍 有序

副使 王世懋 太倉州人

渭南城邊有別業曰姜泉書舍故憲副南公所
築也花菓雜蒔池蓮清漪頗擅山水之勝予以
謝病避客借托一夕日公之子吏部公老矣乘
夜過談乞言于予蓋公兄弟文學起家諸孫繩
繩科第不絕以故堂構能益羨云

渭南南公好兄弟還山下築渭城南池泉遠接翠
微水原樹倒映桃花潭公今已去泉不改樹猶如
此人何堪幸有箕裘水鏡在夜深握麈來清談

渭南縣志

卷之十四

藝文

十七

翛然別業負山城想見當年物外情五畝世將文
作苑諸孫人以筆爲耕環亭齒莢數枝發溢沼珍
珠百斛生掃榻便移松下卧風來猶似讀書聲

靈臺寺秋眺

賈 璵 邑人

崇障浮夕景孤岑生遠煙深秋鳥嚶鳴溪樹猶芊
綿扶策越嶮嶮澗道懸飛泉攀柯恣真搜陟磴問
眞詮深澗流八斛高岑隱四禪誰標雁王塔疇見
遠公蓮粲粲山響流藹藹岫雲還吹萬有餘聲元
覽景不延息心就茲境永斷區中緣

渡渭

南憲仲 邑人

九峻佳氣紫關同
萬里洪流碧海通
蘭槳倒搖蓮嶽日
松舟平送柳衢風
唐皇漕運來豐下
漢相軍供到沛中
聖主于今臨北極
三川八水盡朝東

遊瑞泉觀

南憲仲

尋芳登古殿
張宴俯青湄
細雨兼天暝
浮雲湧地垂
渚蓮紅寂寞
堤柳碧參差
清眺疑蓬島
金尊未足辭

從花源川入靈臺望玄象山簡家太史

渭南縣志

卷之十四

藝文

十八

南居益 邑人

夙齡慕遐蹈
栖志在名山
豈謂塵內蹤
聊復事遊盤
伊余携同好
展眺緣清川
花迷樵客路
泉韻幽人絃
雲端矚遙巘
林表披晴煙
蒼麕戲蘭薄
元鶴下芝田
耳目極昭曠
眞賞契眞筌
升危誠顛躓
撫已慙貞堅
安得瑤華音
一寄瓊臺僊

宿靈臺禪院同明生爾仁 南居益

栖宿投荒寺
空堂此夜情
僧形山川古
禪味石泉清
一榻雲俱冷
千林月自明
翻思在人境
擾擾共

勞生

吊杏園楊公殉難渭上

李棠馥

西秦驟起石尤風函谷泥丸一旦空
馬隻輪

弗返赤眉萬隊入關中宵遁伊誰金
鍊牽羊肉

祖無人戰首抗逆鋒獨渭侯登陴欲發殲渠箭重

圍四望絕援兵羅雀掘鼠無堅城拜闕遙呼臣力

竭有懷裹革豈偷生賊欲仍官莫予
髮指罵賊

義不辱杳爾乘箕頸血鮮河山氣壯作臣鵠事聞

天子爲撫膺西望哭師悼二陵嗟哉渭侯千秋節

渭南縣志

卷之十四

藝文

十九

贈卹如綸重百朋化碧九原堪不朽汗簡傳馨天
地久東流渭水隱悲聲英雄何事逢陽九

前題

清尚九遷

仗節捐生烈烈名君侯此際播芳聲甘心化碧乾
坤壯勁骨撐天斧鑕輕詔下九重光廟祀祠成千
載撼孤城身騎箕尾歸天上日月同懸萬古明

前題

楊自謙

邑人

志士由來不爲名目無鶴唳與風聲當年結綬君
臣重此日臨危性命輕一片忠魂歸碧落千秋壯

氣繞荒城欲知底事塞天地拚取丹心一點明

前題

周濤人海監

聞道當年來賊兵君侯有膽氣崢嶸深圍莫救孤
城重百折難回一死輕赴義但知堅勁節捐軀不
是襲虛聲象山守得忠魂老千載唯留罵賊名

吊姚二尹

周濤

自是哦松一輩賢臨危守義骨尤堅賊兵雲集城
難固臣命星懸力不全死節熟籌無再計報恩已
切敢遲延可憐萬里橋頭水常與丹心血共濺

渭南縣志

卷之十四

藝文

二十

吊兩學博

蕭楊

周濤

見危授命兩心同恨未荷戈學卽戎驟起烽煙來
渭北俄驚逆勢擾酒東壯懷已計拚身殉仗節儘
教創面攻血污忠魂依泮水丹誠不泯尚稱雄

渭景八勝

酒水夜月

尚九遷

水自山頭濬發蕩漾勢如鳥飛環曲渭城與爲
襟帶晚來波面光浮明霞燦爛一鉤在天相對
不能的視

何處看明月冷然
酒水深無風光不濕
有痕浪還
侵津樹徒高下
樓自古
從來談水月
取向此
中尋

瑞泉瀑布

泉出山半六道爭飛
有如疋練垂天珠
濺當階
自洒入渭神龍蜿蜒
而出至若引水流觴
比蘭亭曲江之遊
不知醉客孰多也

誰轉天河水
半山六道垂
晨星明鶴髮
細雨動魚鮒
野曠殘鐘外
燈深落葉時
不須濯月魄
對此見

威儀

密時晚霞

酒之東南數十武
人煙簇霧時
人悞爲秦火
所積臺高出層巒
青草棲直與碧天
一色晴岩掩映
晚來紫氣橫
浮佳遊也

高臺下落日佳氣
鬱崢嶸問俗徵
前事封禪得漢
名長春花自朶
不夜月初明
疑有神靈雨
雙峯送晚晴

象山雨霽

山在橋之南遠望峯頭卒滴蒼煙虬樹如出雲
際雨餘晴嵐若洗千巖競秀令人挹取不暇
遠翠開南巘殘虹過石橋朝來浴爽氣樹杪泛春
潮高鳥排雲急孤煙坐濕遙公餘思閉閣辜負赤
城標

渭水春漲

春來野渡橫舟漁歌棹聲真如鼓吹在耳至煙
樹積碧兩岸潮翻春江帶雨潮自謂不及此景
細草喧高浪春旗壓小亭 家渭北樹一夜雨中

渭南縣志

卷之十四

藝文

二十二

青遠夢歸詩社閒情應酒星省農還自責豈敢付

沉溟

豐原秋眺

邑之南有原曰豐叻常稔得名陟其巔一邑勝
槩宛宛在望至秋而林巒紅樹互相映發極目
遠眺不知身在畫圖中

登高欲極目草樹涼森森遠水連天色孤城接地
陰家家砧響急箇箇樵聲 紅葉堪留詠興來遽
不禁

秦寧晨鐘

秦寧宮者妥后土所也有鐘有簾昏暮擊之無
甚聳聽獨當曉籟風生清露晨流時發巨響則
鯨牢聲震渭水波湧殆聞百里云

畫檣艤近岸銀漢落遙天一杵驚殘夢數聲到野
船幾年長樂道此日鳧鐘邊多少策名士看星着
祖鞭

風門堆雪

五指山在邑之巽地巽爲風故曰風門每至冬

凜積雪瀾山椒清令之致爽爽逼人入梁王之
苑泛山陰之權不足盡其致也

梅花一夜發開檻素委垂列嶂披紈袖因風冶玉
姿旣高郢客調還寄梁園詞清白足供賞爍龍那
得知

萬里橋落成賦誌

尚九遷

城下長河鯉浪頻皇華常是阻波臣垂虹逼漢連
天地砌岸排山橫古今敢謂薪勞收後効漫將鳩
拙補前人經營 得繁霜鬢一段熱腸寄水濱

尚明府萬里橋成賦誌

朱可衿 邑人

石砌蜿蜒逆浪消垂虹突兀撼雄潮長河未許蛟
龍窟人世虛傳烏鵲橋遂有風雷愁尚父還從鳧
舄識王喬溪聲不斷潺湲去如續行人載道謠

前題

李毓英 邑人

由來一水闢洪荒手挽飛虹架作梁自是長橋堪
渡虎况傳異政更驅蝗縱橫星駕連烏鵲遮莫康
衢走驪驪誰道郎官淹驥足循聲從此達明光

前題

劉矩宗 邑人

渭南縣志

卷之十四

藝文

二十四

城外坊增峻溪邊砌復工橋名蜀地似柳色灞陵
同烏鵲長河上青龍落照中蟠根臯岍護密蔭道
途籠游泳應無事輿徒自可通蘇堤今載志召芑
古成風不有循良愛誰添氣勢雄定知功與慮澹
水並無窮

孫明府明光橋成賦誌

張衛獻 邑人

明光谷口見虹橋檻外風煙禹績標入渭一泓流
曉月到周百里壯興朝東連顥氣浮仙掌西接鳳
吹玉簫莫道石梁纒獨勝閒

鶴自

藺相如墓

辛 在縣北
市里

朱英幟

涼州人

完璧仍歸趙孤墳何在秦普天雖共主當日乃分
臣避虎心先國叱狼膽大身風流司馬氏慕契尚
猶新

春日同諸公遊靈臺寺

朱英幟

崎嶇如蜀道携手逐春風綺雜三川麗香傳七塔
空樵歌塵聽外僧話酒巡中擬遂幽棲志翻憎虎
徑通

寇萊公祠

岳冠華

渭南縣志

卷之十四

藝文

二十五

萊國荒祠寄下邳公餘策馬覓遺基匡扶膽氣澶
淵績少小詩情華嶽碑出入無慚真將相雷霆有
恨苦遷移棲神久欲尊先達棟宇重新慰所期

酒水夜月

岳冠華

一城襟帶水流月自涓涓露濯疑窺鏡波搖欲動
天清光浮不定寒氣逼當前坐石宜琴曲高風慕
昔賢

瑞泉瀑布

六道泉流急垂山破翠微濺珠輕點鬢似雨冷沾

衣龍以王爲種洞疑雲自飛休言附漕渭大海會
同歸

密時晚霞

村煙疑積霧晚色望秦臺草色天連碧岩光翠作
堆青牛今已矣紫氣訝東來何必非餘焰興亡示
劫灰

象山雨霽

象山巖壑好引領望橋南碧嶂凌空立蒼煙過雨
含樹深雲出翠嵐重石如藍政暇堪雙屐琪花摘

渭南縣志

卷之十四

藝文

二十六

滿籃

渭水春漲

鳥鼠來非近瀾漫萬古清漁歌雙擢遠野渡一舟
橫樹影搖波碧花光帶雨明感深懷杜老詩裏咏
無情

豐原秋眺

遠眺陟秋原孤城帶一川碧山寒雨裏紅樹夕陽
前渭落沙光白天空月影懸所欣年歲稔萬戶滿
厨煙

泰寧晨鐘

后土祠中物
嘈眩應候鳴
因風晨更響
帶露韻尤清
有想堪醒夢
無詩負此聲
秋來殘月曉
時動水波生

風門堆雪

五指山如玉
遙峯積雪晴
癡雲籠不散
夜月晝長明
爽氣生襟袖
寒光逼邑城
敢言心似水
澈骨覺詩清

書籍

渭南縣志

卷之十四

藝文

二十七

秦程邈小篆

隸書

唐姚南仲集

十卷

白居易長慶集

七十五卷

禮部策

十卷

事類集要

三十部
白氏六帖

制林

三卷

百道判

一卷

宋寇準忠愍集

三卷

詩集

三卷

萊公勲烈

二卷
孫宗奭編

陸游渭南文集

若干卷
游嘗為渭南令後又封為渭南伯故其集以渭南名云

明薛敬之道學基統

禮記集傳

洙泗言學錄

定性說

爾雅便音

歸來集

思菴野錄

以上各若干卷

南教諭金休亭稿 十卷

劉司馬鳳池東陵集 十卷

薛悅之芝山野興稿 一卷

南太守大吉瑞泉集 二十二卷 渭南志 十八卷

紹興志 若干卷

少陵純音 十卷 弟逢吉較註

南憲使逢吉姜泉集 十四卷 訂註會稽三賦 三卷

渭南縣志

卷之十四

藝文

二十八

越中述傳 四卷

李給諫希維政學訓言錄 三卷

益言 四卷 俱希維令渭南時所梓者

裴文學貞易說 二卷

薛憲使騰蛟南岡漫稿 十二卷

書傳折衷 六卷 毛詩附說 十一卷

孟司馬重三撫奏議 四卷 豐麓存稿 二卷

南叅伯軒渭上稿 二十五卷 渭上續稿 十一卷

續邑志 十二卷 訂正通鑑前編 二十五卷

皇明關中文獻志 卷五十

南氏全譜 卷五

本宗譜 五篇

賈監郡瓊華山客集 卷十

南棗強憲仲廣川集 卷八
親民近規 卷一

南宗伯師仲元麓堂集 卷五

增訂邑志 卷十五
增訂文獻志 卷八十

集杜 五卷

孫太宰瑋奏草 卷二十四
部院奏草 卷六

楊京兆光訓西臺疏草 卷二

渭南縣志

卷之十四

藝文

二十九

南冢宰企仲癡醒子 卷三十

史光祿記事四書疑問 卷五
讀易夢覺 卷九

尚書疑問 卷五
毛詩序考 卷十

澗陸語畧 卷二
效愚草 卷三

兩令拙蹟 卷六
三史抄 卷四

大成禮樂集 卷三
救荒補遺 卷二

張司馬經世撫宣疏草 卷二

南司空居益晉政略 卷二
致爽堂詩 卷二

年譜 卷四

王忠嗣神道碑唐開國公元載撰齊國公王縉書
寇萊公精忠碑宋參知政事孫抃撰

蔡孝子碑元靖寧州同知田遠撰并書

別駕朱公曰鄉先達類有著作多所表見顧劄梓
不盡在邑里且世逖時易卽號爲世家者亦不能
盡收貯焉前代獨白寇二氏書今盛行於世乃若
前明諸集曷亦半屬散逸不獲睹其全邪古碑唯
王忠嗣暨蔡順者僅存餘俱磨滅不可讀矣嘗聞
長老言忠嗣碑迤南原下曾有耕者觸石視之則

渭南縣志

卷之十四

藝文

三十

碑鈕也用土覆之嗟乎汲冢之古文豈竟無時而
見邪乃余徒愴然嘆悼云

劉孝廉懿宗寓菴集

卷十

易經摘要

卷十二

楊進士自謙四書求是

卷六

易經要畧

卷四

劉司理矩宗棣萼堂稿

卷八

花友社詩草

上卷
下卷

孫茂名士傑南月集

卷六

象山詩草

卷二

嶺南雜咏

卷二

續茂名志

卷二

朱孝廉英幟亦菴文集

卷二

詩集

卷二

增補

憂旱宿城隍廟做古十二韻 岳冠華

三伏陽驕蹇膏屯澤鮮流如湯風橫颺若火雲慳
収赤土不生潤野老輟鋤耰豐塬雖播種禾苗長
未稠嗟此下邳里媵畔漸生蠹微躬寔不德奉職
多慢尤徵召氣乖舛我

皇諭訓周

時接修省
上諭

避席六事責齋居神相攸徒步

望川嶽盥手杓靈湫何期日杲杲蒿目拆田疇

天心本仁愛豈與下民仇沛然時雨降優渥轉有

秋

渭南縣志

卷之十四

藝文

三十一

喜雨十二韻

山雲膚寸合八尺躍天池大沛六月雨公田及我
私農夫慶於野無地不沾滋日前土龜拆於時可
播菑人曰予之力予寔何能爲脩官古下邳殊慚
厥位尸政事失修舉編氓懈撫綏彼蒼昭示儆雨
澤致愆期

王言九重下如綸亦如絲臣民自怨艾上感捷驅馳
氣和蒸禹服廣邀

天之施羨禾與羨麥今茲復來茲

渭南縣志卷之十四終

渭南縣志

卷之十四

藝文

三十二